

ორი და ერთი

თბილისი. “ლოკომოტივის” სტადიონი. 12 აპრილი.

“დინამო” (თბილისი) - “დინამო” (მინსკი) 2:1 (1:0).

თბილისი: ურუშაძე, ძოძუაშვილი, კანთელაძე, ხურცილავა, ცხოვრებოვი, პეტრიაშვილი, ილიაძე, ასათიანი (კუტივაძე), მეტრეველი, გ. ნოღია, გავაშელი.

მინსკი: კატეივა, კუზნეცოვი, ზარემბო, სლოვაკი, ვორონინი, არზამასცევი, ტოლეიკო, ვოლოხი, ვასილიევი, მალოფეევი (კაბერსკი), სახაროვი (ადამოვი).

მსაჯი: ვ. ტოლჩინსკი (ალმა-ათა).

ამ წერილის სათაურში ნახსენები ორი და ერთი შეეხება განვლილ მატჩში გატანილ 3 ბურთს - ორს თბილისელთა მხრივ, ერთს - მინსკელთა მხრივ.

გაიხსენეთ: მასპინძლებმა თამაში დაიწყეს ისე, რომ უკვე პირველივე ხუთიოდე წუთის შემდეგ სულ ცოტა ერთი ბურთით უნდა დანინაურებულიყვნენ. რატომ? იმიტომ, რომ ჯერ მეტრეველს შეეძლო ანგარიშის გახსნა, მერე ნოღიამ მისცა საშუალება კატეივას მოეგერიებინა ბურთი, მერე ილიაძემ ააცვიკა კარს ახლოდან და მაშინვე ზედიზედ ორი საუკეთესო შანსი მიეცა ასათიანს.

5 საგოლე, აშკარა საგოლე მომენტი 5 წუთში! ეს საკმარისზე მეტია და როცა გუნდი ასეთ ტემპში, ასეთი მრავალფეროვანი იერიშით, ასეთი მდიდარი შესაძლებლობებით იწყებს მატჩს, მან მაშინვე უნდა შეძლოს “გადაახურდაოს” ეს 5 მომენტი ერთ გოლზე მაინც. ამ დღეს გადაუღებლად წვიმდა. მინდორი ატალახდა, ჭირდა სწრაფი მოძრაობა, დრიბლინგი, ბურთის ზუსტად გადანოდება და, მიუხედავად ამისა, თბილისელები, რომლებსაც იერიშის სათავეში ედგათ შესანიშნავ ფორმაში მყოფი მეტრეველი (მხედველობაში გვაქვს თამაშის ყაიდაც, კლასიკ და სამუშაოს მოცულობაც. არ შემცდარა, ვინც მეტრეველი შარშან მსოფლიო ნაკრების შემადგენლობაში შეიყვანა), წამითაც არ შეჩერებულან. ძნელია ყველა იმ მომენტის აღწერა, რომლებიც მინსკელთა კართან შეიქმნა, თავდამსხმელებზე აღარას ვამბობთ, - ისინი თითქმის არ მოსცილებიან მოპირდაპირე საჭარიმო მოედანს, ნახევარმცველებიც რეგულარულად გადიოდნენ შეტევის წინა ხაზზე, იერიშებში მათი აქტიური პარტნიორი იყო ხურცილავაც, რომელსაც არასოდეს ეზარება მონინალმდევე მეკარის “მოსინჯვა” და ყოველივე ამან პირველ 45 წუთში მხოლოდ ერთი გოლი მოიტანა. მხოლოდ ერთი! 28-ე წუთზე პეტრიაშვილმა მიიღო ხურცილავას გადაცემა, სწრაფად გაიარა სტუმრების მცველთა შორის დარჩენილი “დერეფანი” და ახლოდან გაიტანა აუღებელი ბურთი - 1:0.

დარჩენილ 17 წუთში იოტის ოდენა ცვლილებაც არ მომხდარა თამაშში. მინსკელთა საჭარიმო მოედანი ტალახით იყო აზვლილი, ისეთი ორომტრიალი ხდებოდა იქ, ვინ არ სცადა ბურთის გატანა, მათ შორის, განაპირა მცველებმა ძოძუაშვილმა და ცხოვრებოვამაც, მაგრამ შტურმმა შტურმად ჩაიარა, კარი კი აუღებელი დარჩა.

მეორე გოლი. იგი გატანილ იქნა 47-ე წუთზე. პეტრიაშვილმა მარჯვენა ფლანგიდან ჩააწოდა ცენტრში, კატეივა გავაშელთან ბრძოლას მოუნდა, ბურთმა

კი ნოდამდე მიაღწია, რომელიც სრულ მარტოობაში აღმოჩნდა კარიდან ორიოდ მეტრზე. 2:0.

შემდეგ? შემდეგ შეგახსენებთ, როგორ “ბომბავდა” კატეივას ხურცილავა, როგორ ვერ გაიტანა ბურთი ცარიელ კარში გავაშელმა, როგორ დარჩა მეკარესთან პირისპირ კუტივადისგან მიღებული ბურთით ნოდია და როგორ “აპატია” ეს გოლი მინსკელებს. ერთი სიტყვით, სტუმრები მაღლობელი უნდა დარჩენილიყვნენ ამ ანგარიშის, მაგრამ საქმე ისე წავიდა, რომ გამარჯვება კინაღამ თვალსა და ხელს შუა არ გამოგვეყვალა და ბოლოს და ბოლოს, 2 ქულა ძლივს შევინარჩუნეთ.

მინსკის “დინამოში” ჯერ კიდევ ადრე დაშავდა მალაოფევი და მის ნაცვლად მინდორზე გამოვიდა კაბერსკი. გამოცდილმა მოთამაშემ მაშინვე იგრძნო, რომ თბილისელთა დაცვას ვერ დაძლეოდა, ამიტომ, როგორც კი მოიხელთებდა მომენტს, შორიდან აგზავნიდა ბურთს მეტოქის კარისკენ. კაბერსკის ჩანაფიქრი უბრალო, მაგრამ სწორი იყო: მინდორი დამძიმებულია, ბურთი - სველი და ასეთ ვითარებაში შეიძლება რამე მოხდეს...

თბილისელ მოთამაშეთაგან არავის მოსვლია აზრად ხელი შეეშალა კაბერსკისთვის ამ მანევრის შესრულებაში, ამ უკანასკნელმა კი თავისი მანევრები გაიტანა: 85-ე წუთზე ისევ შეარჩია დრო და შორიდან კიდევ ერთხელ დაარტყა კარში. ურუბადის ნახტომის მიუხედავად, ბურთმა მიზანს მიაღწია.

აი, ასეთი 2 გოლი გაიტანეს თბილისელებმა თავიანთი უამრავი შესაძლებლობიდან და ასეთი 1 საპასუხო მიიღეს მეტოქისგან, რომელმაც მთელ მატჩში სულ 2-3 სახიფათო მომენტი შექმნა.

კიდევ მეტიც, 88-ე წუთზე მასპინძელთა საჯარიმო მოედანზე მოწოდებულ იქნა საჯარიმო. მინსკელთა თავდამსხმელი ადამოვი მხრებამდეც ვერ წვდება თბილისის “დინამოს” მცველებს, მაგრამ, მიუხედავად ამისა, თავით მიიღო მაღალი ბურთი და გაგზავნა კარისკენ. დარტყმა აცდა კარს და მხოლოდ ამის გამო გადარჩა ჩვენი გუნდი მეორე საპასუხო გოლს.

რეზიუმე? თბილისი “დინამომ” კარგად დაიწყო ჩემპიონატი, კარგ ფორმაშია, ყველა მოთამაშე კარგად გამოიყურება, მაგრამ არ შეიძლება გუნდმა თავის შესაძლებლობათა მინიმუმით დაამთავროს მატჩები. თუ ისეთი თამაში, როგორიც მინსკის “დინამოსთან” გვექონდა, მხოლოდ ერთი ბურთის განსხვავებით მოვიგეთ, რაღა მოგველის თანაბარ ბრძოლაში? ყოველკვირეულ “ფუტბოლ-ჰოკეის” რედაქციის სპეციალური პრიზის მოსაპოვებლად (დიდი ანგარიშით გამარჯვებები) თბილისი “დინამოს” ახლავე უნდა ჰქონოდა 2 ქულა მოსკოვის “ლოკომოტივთან” და მინსკის “დინამოსთან” შეხვედრებში. არც ერთი კი არა გვაქვს.

ბ. ქორქია.

“ლელო”, 15 აპრილი, 1969 წ.